


Suaalaha badanaa ay is weydiyaan kiraystayaasha degan 139 Highett Street, xaafada Richmond iyo meelaha lagu socdo (walk-ups) ee xaafada Richmond

20-ka Sebteembar 2024



Somali | Soomaali

Maxaa maanta lagu dhawaaqay?

Dawladda Victoria waxay ku dhawaaqday goobaha xiga ee dayactirka lagu sameyn doono iyadoo qayb ka ah Mashruuca Weyn ee Guriyeynta Victoria. Goobahani waa:

- 139 Highett Street, Richmond
- 259 Malvern Road, South Yarra
- 6 iyo 8 Anderson Court Richmond
- 1 - 5, 7 iyo 9 Williams Court Richmond
- 111, 119 iyo 127 Elizabeth Street Richmond.

Warbixintan lagu dhawaaqay maxay aniga iiga dhigan tahay?

Tani waxay ka dhigan tahay in kireystayaasha ku nool goobahan ay bilaabi doonaan wadhadalka ku saabsan raritaanka, si markaas loo bilaabo dib-u-dhiska, iyo in la dhiso guryo bulsho oo cusub.

Howlaha raritaanka waxay soo gebagaboobi doonaan **bish Febraayo ee sanadka 2026**.

Dib-u-dhisku waxay qaadan doontaa inta u dhaxaysa 6 iyo 8 sano.

Maalmaha soo socda

Waxaa jiri doona shaqaale ka socda Homes Victoria iyo xafiiska guryeynta deegaanka oo ku sugan dhismaha **139 Highett Street** iyo **259 Malvern Road** si ay uga jawaabaan su'aal kasta oo aad qabto.

Waxaa laga heli karaa:

- 10-ka subaxnimo ilaa 3-da galabnimo Jimcaha 20 Sebteembar
- 10-ka subaxnimo ilaa 12-ka galabnimo Sabti 21-ka Sebteembar
- 10-ka subaxnimo ilaa 3da galabnimo Isniin 23-ka Sebteembar.

Waxaad kooxdayada kala hadli kartaa dib u dhiska sidoo kalena waad is-diiwaangelin kartaa si aad ugala hadasho howlaha raritaanka iyo sida ugu wanaagsan ee aan kuu taageeri karno.

Labada bilood ee soo socota

Kooxda u qaabilsan raritaanka waxay la kulmi doonaan qoys kasta si ay u ogaadaan baahiyahaaga iyo waxa aad door bidayso. Waxay u isticmaali doonaan macluumaadkan si ay kuugu helaan guri cusub oo kugu haboon.

Macluumaad dheeraad ah oo ku saabsan howlaha raritaanka waxaad ka akhrisan kartaa hoos, ama booqo bogga online ka ee homes.vic.gov.au/relocating-renter-support.

Labada sano ee soo socda

Qoyskaaga waxaa loo rari doonaa guri cusub oo buuxinaya baahiyahaaga.

Waan kula socodsiin doonaa wixii kusoo kordha howlaha dib-u-dhiska iyo fursadaha aad fikradaada ku aadan naqshadeynta guryaha cusub aad nagula wadaagi karto.

Halkee ayaan ku noolaanayaa?

Kooxdayada dib-u-dejinta ayaa kaala shaqayn doonta sidii aad u heli lahayd meel cusub oo aad ku noolaato iyadoo lagu salaynayo baahiyahaaga iyo dookhaaga.

Tan waxaa ka mid ah fursadaha xaafadaada sida guryaha cusub ee uu dhismahoodu ka socdo Elizabeth Street, Richmond ee la dhameystiri doono bisha Luulyo 2025.

Nidaamka raritaanka sidee buu u shaqeeyaa?

Kooxdayada dib-u-dejinta ayaa kula kulmi doonta si ay u fahmaan baahiyahaaga iyo waxaad doorbidayso, oo ay ku jiraan waxyaabaha muhiimka ah, sida:

- shuruudaha la xiriira gelitaanka goobta
- adeegyada caafimaadka iyo kuwa bixiya
- dugsiyada, xanaanada carruurta iyo waxbarashada
- xiriirka bulshada iyo mujtamaca aad la leedahay
- isku xirka gaadiidka iyo xiriiradaada.

Markaan helno guri cusub oo ku haboon baahiyahaaga iyo dookhaaga, waxaad heli doontaa fursad aad kusoo kormeerto guriga ka hor inta aadan aqbalin dalabka lagu soo bandhigay.

Yaa dabooli doona kharashka guuritaanka?

Homes Victoria ayaa ballamin doona kuwa wax rara isla markaasna bixin doona dhamaan kharashyada guuritaanka, oo ay ku jiraan:

- lacagaha ay qaadanayaan kuwa wax rara
- baakadaha aad ku ridan doonto alaabtaada, tusaale ahaan koolooyinka lagu xiro baakadaha, bokisyada
- lacagaha laguugu soo xirayo adeegyada sida korontada, gaaska, telefoonka, iyo internetka
- kharashka ku baxayo in waraaqahaaga loo soo wareejiyo guriga cusub
- tuurista shay kasta oo aadan rabin inaad ula gurto gurigaaga cusub.

Maxaa laga dhisi doonaa goobta?

Naqshadaynta guryaha cusub lama dhamaystirin laakiin waxa ku jiri doona guryo bulsho oo casri ah oo sugan.

Waxaad heli doontaa fursad aad nagula wadaagto ra'yigaaga ku aadan naqshadeynta.

Dadka dhan ma isku mar ayay wada guuri doonaan?

Maya. Kiraystayaasha si tartiib-tartiib ah ayaa loo rari doonaa waana la caawin doonaa inta hawshan socoto.

Ma awoodi karaa inaan soo noqdo marka guryaha cusub la dhammeeyo?

Waxaad xaq u leedahay inaad ku noqoto xaafada aad hadda degan tahay iyadoo lagu salaynayo sida aad ugu qalantid markaas ayada ah, baahiyahaaga iyo inay guryaha cusub kugu haboon yihiin iyo in kale.

Waxa kale oo aad dooran kartaa inaad degto gurigaaga cusub haddii taasi kugu habboon tahay, wakhtigaas ayada ah.

Maxaa ka socda goobaha kale?

Howlaha guuritaanka hore ayayba uga biloowdeen walina way ka socdaan 120 Racecourse Road iyo 12 Holland Court, **Flemington** iyo 33 Alfred Street, **North Melbourne**.

Dib u dhiska ayaa dhawaan laga bilaabi doona labada goobood ee saraha dhaadheer ee 20 Elgin Street iyo 141 Nicholson Street, **Carlton** halkaas oo ay kireystayaasha mar hore ka guureen.

Halkeen ka heli karaa macluumaad dheeraad ah?

Waxaad ka heli kartaa macluumaad dheeraad ah oo ku saabsan Mashruuca Dhismaha Weyn ee Guriyeynta, nidaamka raritaanka iyo qorshayaasha dib-u-habaynta goobaha **Richmond**:

- Ka qaybgal xafladaha bulshada ee la tagi karo bilaa bllan laguna qaban doono dhismaha **139 Highett Street**:
 - 10-ka subaxnimo ilaa 3-da galabnimo Jimcaha 20 Sebteembar
 - 10-ka subaxnimo ilaa 12-ka galabnimo Sabti 21-ka Sebteembar
 - 10-ka subaxnimo ilaa 3da galabnimo Isniin 23-ka Sebteembar.
- Kulamo dheeraad ah ayaa la qaban doonaa toddobaadyada soo socda - waqtiyada iyo taariikhaha waxaa lagu soo qori doonaa website keena iyo boorarka dhismaha
- Wac **1800 716 866** si laguugu xiro xafiiska guryeynta ee deegaankaaga (9-ka subaxnimo ilaa 5-ta galabnimo Isniinta ilaa Jimcaha). Turjubaano ayaa diyaar ah haddii loo baahdo
- Booqo websaydkayaga cusub ee bighousingbuild.homes.vic.gov.au halkaas oo aad wax ka waydiin karto kooxdayada rarida
- Email enquiries@homes.vic.gov.au.